

MODUS SEPELIENDI PARVULOS IN
CHRISTO BAPTIZATOS.

*Sacerdos indutus superpelliceo & stola alba in
domo ad funus dicat:*

Y. Sit nomen domini benedictum.

R. Ex hoc nunc & usque in sæculum.

*Tum sub portatione funeris canitur . Psal.
Laudate pueri &c. Illud in sepulchro depositum
Sacerdos aquâ benedictâ ter aspergat, & tertio
pala aliquid terræ superinjiciens, dicat: De
terrâ, ut supra. Sepulchro cooperto canitur vel
dicitur:*

Y. Juvenes & virgines, senes cum junioribus.

R. Laudent nomen domini.

Y. Sinite parvulos venire ad me.

R. Talium est enim regnum cœlorum.

Y. Dominus vobiscum.

R. Et cum spiritu tuo.

O r e m u s.

Omnipotens sempiterne deus, sanctæ puri-
tatis amator, qui animam hujus parvuli ad
cœlorum regnum hodiè misericorditer vocare
dignatus es. Digneris etiam ita nobiscum mise-
ricorditer agere, ut meritis Ss. Passionis & in-
tercessione B. Mariæ semper Virginis & omni-
um Sanctorum tuorum in eodem regno nos cum
omnibus Sanctis & Electis tuis semper facias
congaudere.

Deus, in cujus miseratione animæ fidelium
requiescunt, famulis ac famulabus tuis om-
nibus hic & ubique in Christo quiescentibus da
pro:

propitius veniam peccatorum, ut à cunctis reatibus absoluti tecum sine fine lætentur. Per eundem Christum Dominum nostrum. Amen.

Ÿ. Requiescat in Pace. R̄. Amen.

MODUS CELEBRANDI SACRAMENTUM MATRIMONII.

Introductio Sponsæ in Ecclesiam.

Sacerdos superpelliceo aut alba & stola indutus cum aqua benedicta ad Sponsam in porticu consistentem accedat, & si vegetioris ætatis sit, super eam dicat Psal. Beati omnes. ut infra.... Si verò provectioris sit ætatis, dicat Psal. Qui confidunt. ut infra in secundis Nuptiis. . . Tum dicat: Kyrie eleison, Christe eleison, Kyrie eleison. Pater noster.

Ÿ. Et ne nos inducas intentationem &c.

Ÿ. Domine salvam fac ancillam tuam.

R̄. Deus meus sperantem in te.

Ÿ. Mitte ei auxilium de sancto.

R̄. Et de Sion tuere eam.

Ÿ. Esto ei Domine turris fortitudinis.

R̄. A facie inimici.

Ÿ. Domine virtutum converte nos.

R̄. Et ostende faciem tuam, & salvi erimus.

Ÿ. Domine exaudi orationem &c.

Ÿ. Dominus vobiscum &c.

O r e m u s.

Omnipotens sempiterne Deus, qui unumquemque fidelem custodis, benedicere & digneris hanc famulam tuam, quæ ante fores Ecclesiæ consistit, oratorii ingressum petitura,